



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKO VIJEĆE**

Broj: 01 \_\_\_\_\_  
Datum: \_\_\_\_\_ 2014. godine

**N A C R T**

Na osnovu člana 2. Zakona o osnovama sigurnosti saobraćaja na cestama Bosne i Hercegovine („Službeni glasnik BiH” broj 6/06, 75/06 i 44/07) i člana 14. Statuta Općine Tešanj („Službeni glasnik Općine Tešanj” broj 11/07), Općinsko vijeće Tešanj na svojoj \_\_\_ sjednici održanoj dana \_\_\_\_\_ 2014. godine d o n o s i

**O D L U K U**

o izmjenama Odluke o organizaciji i sigurnosti saobraćaja na cestama

Član 1.

U Odluci o organizaciji i sigurnosti saobraćaja na cestama („Službeni glasnik Općine Tešanj“ broj: 3/10 i 1/12) član 26. mijenja i glasi:

„Opća parkirališta određuju se na sljedećim lokacijama:

1) Parking prostori u Tešnju:

- Parking uz ulicu "Kralja Tvrtka" (Zvečaj),
- Natkriveni dio rijeke Tešanjke između ulica "Kralja Tvrtka" i "Safeta Hadžihasića",
- Parking prostor između ulica "9.septembar" i "Alipaše Hećimovića" (kod samoposluge "AS"),
- Parking prostor zgrade "Stare Gimnazije" (Kod poligona),
- Parking prostor uz zgradu NK "TOŠK",
- Parking prostor "Musala",
- Parking prostor u stambenom naselju Krndija,
- Prostor u ulici "Hajrudina Hajdića" (Kod biblioteke i obdaništa),
- Prostor kod JP "RAD" (put prema Kotlanicama),
- Parking prostor u stambenom naselju "Simetrle",
- Parking prostor prema greblju "Đonlagička"-ulicom "Enesa Galijaševića",
- Parking u Titovoj ulici (uz čaršiju),
- Parking u "Tabačkoj ulici" (srednji sokak),
- Parking u ulici "Adema Handžića",
- Parking u ulici "Nisima Albaharija" kod poslovnice "Uno",

2) Parking prostori u Jelahu:

- Parking prostor "Trg branilaca BiH",
- Parking prostor od BP "Energopetrol" duž ulice "Husein-kapetana Gradaševića",
- Parking prostor duž ulice "Titova (desna strana), od Šoping centra prema "FAD" dd Jelah,
- Parking prostor ispred Doma kulture Jelah,
- Parking prostor ispred mjesnog ureda Jelah.

3) Parking prostori Tešanjka:

- Parking prostor kod Doma zdravlja Tešanjka,
- Parking prostor ispred MZ-e Tešanjka,
- Parking prostor u ulici "27.juli"- "Stara cesta"

Član 2.

Član 32. Odluke mijenja se i glasi:

“Poslove upravljanja i održavanja općih (javnih) parkirališta u državnoj svojini, a za koja je nosilac prava Općina Tešanj odredit će Općinski načelnik zaključivanjem ugovora sa registrovanim licima za obavljanje djelatnosti u vezi sa parkiralištima u skladu sa šifrom iz Klasifikacije djelatnosti BH, nakon raspisivanja javnog poziva za upravljanje općim parkiralištima.

O ostalim općim (javnim) parkiralištima brinu fizička i pravna lica koja su nosioci prava na istim.

Javnim pozivom odredit će se organizacija i način naplate parkiranja (sistem naplate putem rampe, parkomata, zakupa mjesta i sl.) imajući u vidu lokaciju i stepen uređenosti prostora.”

Član 3.

Ova odluka stupa na snagu osmog dana od dana objavljivanja u „Službenom glasniku Općine Tešanj“.

**PREDSJEDAVAJUĆI VIJEĆA**  
**Fuad Šišić, dipl.ing.maš.**

## OBRAZLOŽENJE

### I PRAVNI OSNOV

- Član 14. Statuta Općine Tešanj („Službeni glasnik Općine Tešanj“ broj 11/07);
- Član 2. Zakona o osnovama sigurnosti saobraćaja na cestama Bosne i Hercegovine („Službeni glasnik BiH” broj 6/06, 75/06 i 44/07).

### II OBRAZLOŽENJE

Razlozi za donošenje Odluke o izmjenama Odluke o organizaciji i sigurnosti saobraćaja na cestama nastali su uslijed potrebe:

-brisanja nekih ranijih lokacija za parking radi novih saobraćajnih rješenja na pojedinim dijelovima općine,

-poboljšanja načina upravljanja parking prostorima, te

-nedostatka dovoljnog broja parking mjesta u određenim zonama.

Prilikom pripreme ove Odluke izvršena je analiza ranije Odluke te pregled i popis svih lokacija općih parkirališta na području općine Tešanj. Također, od strane radne grupe istražene su mogućnosti za elektronsko upravljanje sa različitim oblicima izvora finansiranja (Escomodel, zakup, investiranje, itd), a provedeno je i anketiranje građana na području Općine.

Organizovani su zajednički sastanci i obavljani razgovori sa važnijim subjektima, odnosno sa predstavnicima Policijske uprave Tešanj, zainteresovanim mjesnim zajednicama i Službom za katastar, urbanizam i imovinsko-pravne poslove općine Tešanj kako bi se što kvalitetnije pripremila izmjena navedene Odluke.

Ponudenom izmjenom predviđeno je da pravna i fizička lica registrovana za obavljanje predmetne djelatnosti upravljaju i održavaju opća (javna) parkirališta u državnoj svojini, a za koja je nosilac prava Općina Tešanj. Nakon javnog poziva Općinski načelnik će zaključiti ugovor sa izabranom firmom, kojim će detaljnije biti propisani uslovi i način upravljanja parkiralištima.

Cilj ovih izmjena je stvaranje uslova za bolje korištenje resursa iz oblasti stacioniranog saobraćaja, rješavanje problema hroničnog nedostatka parking prostora kao i povećanje bezbjednosti saobraćaja na području općine Tešanj, te predložimo Općinskom vijeću Tešanj da istu usvoji u formi Nacrta.

#### OBRAĐIVAČ

Služba za finansije, privredu,  
komunalne i inspeksijske poslove  
Hamzaliya Hojkurić, dipl. ecc.

---

#### PREDLAGAČ

OPĆINSKI NAČELNIK

Mr. Sc. Suad Huskić, profesor

---

Broj: 02-02-1-1413/14

Datum: 21.07.2014. godine